

本館新聞除禮拜外日出一紙 諸君賜閱本報者無論本埠外埠均可函致本館取閱如外埠閱報須加寄費不可也除日報常刊送外復不備工本從英國購辦鉛字鐵紙各機器以待與 各官商刊印書籍單件並有英國各體活字及各式花邊等延有西人操印工藝其精所有中西文字均能刊印並有石版印字大小機器均用精工刊

第 二 千 七 百 六 十 二 號

# 報 叻

(號一廿第牌門口虱巴舊至設開館本)

印了絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後 諸翁來札向祈自諒更須寫實里而後敢登但來稿登與不登均不能將原稿收回也 本館謹白

庚寅十一月廿一日

大英一千八百九十一年正月三十號禮拜五 (凡刊印告白第一日每一字仙二日以下每字半仙) 每張售錢五文 每月一元 每季三元

新到各種奇書發售 ○ 啟者本館近由上海姑蘇等處購買各種奇異新書及地輿圖誌等來叻發售其書或銅板木板鉛板石板均無不有且字畫詩書等項尤繁多有叻地未常經見者其有益於世道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書巨經已另列單張附呈 鈞覽閱者 鑒焉 本館告白

辛卯月份簿發售 ○ 啟者本報所印光緒十七年辛卯之月份簿業經告竣其工巧固已較勝於往年且復詳加考察核對精微不至有所訛舛以至貽笑方家 諸君欲選購者無論色紙白紙以及填色描金均憑選擇價甚相宜尚懇 移玉早臨不勝欣幸此佈 本館謹白

### 禮函出售

○ 啟者本館現已印就辛卯歲賀正函札甚多各款俱全以任 諸君選擇無論色紙紅箋均便可以任意選沽 諸君有欲購用者請至本館購閱可也特此佈 聞 本館謹白

### 樹砂產業為處家之善法論

本坡係為英屬故凡事多從英例即華人旅居此地者亦皆如是他勿具論即如析產一端亦覺與中原有異中國之俗則所有產業概傳諸子而並不給與他人父亡以後無論家業所存多寡眾子遂分而有之宗族鄉黨無得異言此華人通俗也而泰西則不然彼西人等所有資財產業聽其自行撥用他人不能干預若其人以前所遺產業悉予子女者聽不予亦聽故有以巨萬之資悉充善舉而分文不遺予子女者又有以數萬之資析為數分若干充作善舉若干留遺子女者更有同是親生子女而所分產業伊誰多得伊誰少得悉從遺命不得稍有違言者斯法也本坡之俗未免過於偏私同是己之兒女更何分乎厚薄又奚可任己意而為之不用厚薄之處惟視愛憎如是所為是顯示之以私愛而啟家庭內之爭端也又何若華人析產邀同宗族親戚與之共議一乘至公也哉不知實有所不然夫西人之析產似乎私矣然竟不聞有所爭論華人之析產似乎公矣然爭執之事則常不免蓋常林鶴鳴之雅可以得之古者不可以例諸今人可以期之舉賢不可以責諸庸眾所以傲家謀蓋管蔡流管使其不遇大舜周公則債運執豆之地豈故多矣泰西有識之士慮及於此故定為生前析產之法以杜其後嗣之爭端一人創之眾人之家喻戶曉相習成風雖有好爭之人亦拘於俗尚不能獨外因亦相與安之惟有一心以圖成立無復以遺資為念故絕不聞爭執獨是華俗則有所不然皆謂兄弟至親倘相析產即不能友愛昔唐張公藝九世同居遂傳為千秋佳話而晉江陳氏亦因不分居之故而義門之旌彼以數百年之久數百口之多而一堂雍雍毫無間隙况同胞之兄弟毛裏至親乃有析產所為能不令傍觀齒冷乎噫嘻此所謂君子之心也世有十庸眾而一君子此等用心本難擬望之於同氣至於為父母者更當念泉鳳同生之義不能責其後嗣盡師君子之心是故三代後第一達人推漢之疏廣其親舊有勸令析產以為子孫地者則謝之曰使子孫賢而多財則損其智愚而多財則益其過落落兩言直斬斷無幾廢泰後世之為父母者不明此義雖生性鄙吝一毛不拔亦必多營財產以遺子孫卒至十產九爭紛紛操同室之戈以至豪富之兒輩宦之裔對簿公庭而不知恥甚且有因此而耗其家者實所不鮮嗚呼誠如是也又何若仿行掛砂之為愈哉蓋掛砂之法係由本人生前自行酌定書立券據後人不得妄啟爭端然使為父母者稍存公道之心則為子孫者亦當吃着不盡此賈泰西之善法無怪乎南洋之人每效其所為也夫中西俗尚各有不同華俗之善而可法者固多而其所失亦常不免知其失也則反不如從西俗之為佳噫吾於掛砂之法見之悠悠寸心不禁油然而往矣

### 英電譯登

○十九日英京發來電報云英國廷臣花加申現對眾云前者風傳德國在麻六甲海面欲佔據檳榔嶼北方暹羅所轄之地方一事悉屬子虛究竟並無是事也

### 奧電譯登

○十九日英京發來電報云美國大律師現經羅羅英廷謂前者西越漁船之案查該船之被執實有應得之咎而英廷並無權可將質加泉使所判之詞為之廢去云

智利電音 ○十八日英京發來電報云智利亂黨現已駛有戰船用炮攻擊高羅那海口云云查該海口本非富庶之區其民不過約五十人之譜而已

軍門遊印 ○新任巡閱東方水師提督前經抵粵而舊提戎沙文君業經交卸現沙君已偕同夫人及女公子乘坐英國郵船北京言往印度北境地方遊玩因該處係沙君前所用兵之地自戰事回以功賞佩寶星今當卸任餘閒故特至彼都一覽其間風景也

事尚難行 ○本報西商遊宜奴向在大鐵甲橋畔開設油業店營生昨該商會向工部局陳請欲在小坡鐵巴虱製造甲橋一道以遠丹戎牛地方按此橋若成則有益於民者實殊非鮮所惜工部局并無此權可以與之酌議故此舉之行止今猶未定也

添造鐵橋 ○英法紐約之長橋向推天下之冠乃近年來意國長橋告成後該橋遂不覺墮乎其後茲接紐約來信謂該處近又議定添造大鐵橋一條蓋有較前一橋大逾倍數四角懸鉅鐵索實之橋高五百零六尺需費約計二千萬洋元或至二千五百萬之譜橋大費多似乎成之不易然物力殷阜可以抽取行者之資以為生息雖再加一倍亦咄咄可辦也

墨邦十產 ○美國暨俄羅斯土產煤油日增月盛觀列前報現在墨西哥西國報稱該國地不受實計出土產三種 烟煤二煤油三黑膠比油稍濁比煤較軟亦能代薪樵火其出產處如遇天寒夜冷膠面如結層冰晶瑩可鑿道經日出融化牛馬經此輒墮其中從前該國煤油不甚通行一緣甚荷不靖多剪徑者二緣鐵路未開往來不便如鐵路開成盜賊統靖不但各國購求甚真即墨西哥一國中當用五千萬斤按西例凡有土產均使週知以便貿易有無者採辦亦概與商務之一道也

竊匪監禁 ○前報府署後某店被匪人於夜間偷竊牛乳袋四細為暗差所獲一節十九日府署業經訊定以罪狀顯然案無遁飾因判監禁三閱月充當苦工

傷人案訊定 ○昨報閩人許姓在丹戎牛口為某帆船之西人以鎗傷其左腕一案查該帆船名曰基里而兇手即名亞里士乃在船中充當大副此案於十九日經兩府尊在正堂會訊被告到案亦已認罪無辭惟係無意傷人現此案業經兩府尊訊畢惟尚未經定讞應俟本日早堂而後為之科斷云

花會案錄 ○潮人陳亞芬向在福南街第六百二十六零二號門牌居住近為線人赴案報稱陳係私開花會故遭捕獲此案於十九日已在府堂審訊惟尚未經訊畢因命押候二十五日再行集訊云

巧續良緣 ○昔李夫人死漢帝哀悼過甚思欲求一貌似夫人者以充下陳可見人之癡情固有至於若是者若夫惡琴靜好愛不能忘者特愛其情耳若彼有貌如花所奈其心似鐵則雖室對芙蓉亦復有何趣味然則情之所結應有在於牝牡驪黃以外者夫更何在於貌乎雖然心則有不可知貌則顯而易見若求其人而弗得則或得其相似者亦可以慰情勝無昔我夫子死諸賢以有若似聖人向欲奉而師之彼大哲大賢尚且有然况一癡情男子乎然觀何若喬之巧續良緣則又似冥中有人司命於其間者是不可不紀之以成一役烟緣佳話也何本粵人向攻舉業先在羊城娶妻李姓亦善香家閨媛也錦繡其心芙蓉其貌適何以後琴瑟甚敦數年抱子一人在何之心亦覺欣欣自足矣乃不意好夢難長彩雲易散何妻於去夏以病而死何緣是痛不欲生積思過深竟患失心之症嗣經多方調治始漸痊痊於是無志讀書改而習買即於友適週初度之辰友人遂為設花筵於牛車水某娼院中因并邀何初不欲行嗣以友人苦勸殷殷不得已而未與之同往詎何自此一宵以後即與該娼寮某妓結不解之緣於是流連忘返者兼旬竟於前日出資四百餘元為該妓脫籍賃屋而居竟成眷屬矣在不知者則以何生平未解烟花况味故一入迷香洞裏遂覺不能自持又豈知其中實有一段奇逢原非偶然之談者先是何至該院時其初心亦不過欲作勉強酬以了友人約詎一入迷香洞裏遂覺不能自持又豈知其中實有一段奇逢原非偶然之談者先是何至該院時其初心亦不過欲作勉強然以驚轉覺憐然以勸即呼該妓為之侍酒迨夫酒闌人散滅燭留影細詢該妓家世原由始知并非他人即其亡妻之胞妹也先是五年前年方十四時因隣近巡遊賽會姊妹偕女伴數人往為觀看不意為惡少所逐擠擁之間以致中途失散苦不識路莫由回家於是遂為匪人所騙轉數手遂至南洋墮於烟花籍中時女雖為妓其心未嘗不戀戀於母家所奈拘束有人不能自主故無從聞故園消息然女被擄之事何索習聞妻說至今竟以無心相遇兩相告說且慰且悲女至是即力求何代脫火坑何亦戀戀難忘故特為之脫籍歸於日間携之回粵歸歸父母得以完其骨肉一時間者無不豐稱之云

閩事雜俎 ○南臺地棍千百成羣相習成風未肯洗心革面三折橋地方為熱鬧之區日前有甲乙二棍徒偶因小忿遽起爭鋒甲忿忿不平糾黨數十人與師問罪乙亦率其同類上前低敵兩陣對圓刀光皎皎地保聞信即到海防廳署稟報時南臺保甲總查俞明府其章正在海防署商議公廳立即馳回率帶勇丁親詣彈壓若輩始各鳥獸散然格拒多時已不免互有傷損矣安得賢有司除暴安良懲辦一二俾若輩稍知儆戒也○鹽倉前天安鋪有林姓者平日以挑鹽為生人頗謹厚前日到某廟觀劇其時臺上臺下游人如蟻挨肩擦背擁擠不開林

三品出品賣




啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後諸君沽買本行白頭三品酒者請細認本庄酒牌之內有小紙包頭請認字號為要此佈  
大英一千八百八十五年十二月十九號 明嗎也公司謹啟



嘗思營生之道所最要者則惟數簿其次則惟銀兩然必須有以善藏始無意外此馳行鐵櫥所以為諸翁之所共賞也啟者本行所賣之鐵櫥久已馳名於東方一帶於叻坡則聲名尤著至本行沽賣此等鐵櫥已有三十年之久其製甚為堅固保能耐火且其匙鑰甚妙斷非盜賊等所能開計其全身均用鐵製無雜成並以木料且諸櫥自前至今均為一式堅固並無有優劣之分至於各櫥大小不一而價值則約一百元至四百元凡用之者可保其不礙焚燒即遇出火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘諸君有意願者祈即玉臨選購為盼  
大英一千八百八十九年十一月廿八號  
大清光緒十五年十一月初六日

明嗎也洋行謹啟



烏密酒發賣




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒中上品也諸君光顧應細看以上所列之狗頭標庶不致誤且價甚相宜倘諸君有欲酌飲者請至本行取用可也此佈  
大英一千八百八十八年八月十五號 明嗎也洋行謹啟

法國頂上蜂標萬國酒池出售



啟者茲本公司親由法國督辦頂上好萬國酒池來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬國酒池無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂標標頭為記並細辨香味方不致誤價甚相宜倘有劉份之壽者祈早至惠臨沽買是幸  
大英一千八百八十八年六月二十號  
大清光緒十四年五月十一日  
明嗎也公司謹啟

蜜酒出售



啟者本行由歐洲辦到上等密酒來叻發售其酒甚佳茲將標頭印出請君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞  
大英一千八百八十六年十一月十八號 明嗎也洋行謹啟



**東方典當及代理有限公司告白**

○啟者本公司計集老本銀一百萬零二百五十磅而已收諸股份人之項計有六十萬零二百五十磅專為典當借貸以及代理各事宜倘助地 諸士商有承遠自主之業或為貨物或係股票或係他項穩妥之件及工部局前者借銀之單押則項件單行於英京者均可持向本公司告貸即以此物為質 諸君賜顧祈早 垂臨為盼 新嘉坡協理人莫士得洋行東主加末申心士洋行東主吉力 巴智申西豐洋行東主沙八 駐新嘉坡代理本行出入銀兩渣打銀行 代理本公司狀師直拔拿亞

大英一千八百九十年十一月十五號 大清光緒十六年十月初四日 代理人巴智申西豐洋行啟

**實勝越國家告示**

○實勝越國家 為招商承充餉碼事照得本轄內之烟酒賭碼均將屆期茲欲招人承充此碼係以西本年七月一號即華辛卯年五月廿五日起以三年為期茲將各碼條開如左 一鴉片烟碼所轄之地係由丹戎拿株起至粵南港地方止計有三百七十英里 一賭碼係由丹戎拿株起至沙羅港止 一酒碼亦由丹戎拿株起至沙羅港止 如欲入票欲承此碼者其票須用英字自行封固蓋用火漆其票面須交實勝越國家之拆等字樣方合而此三項餉碼須逐款列明某碼之價若干更列一總價方為合式但欲承充此碼者務於西本年四月十六號即華辛卯年三月初八日禮拜一上午九點鐘將所入之票寄到方能與選至於棄取之權悉由國家酌奪不得執執高者得之說以相爭論而投定之後承充此碼者須有殷商具保方能接辦如欲知其詳細情形可至新嘉坡代理人巴智申西豐洋行詢問便得各宜踴躍慎無觀望特示

大英一千八百九十一年正月六號 大清光緒十六年十一月廿六日 示

**名園出稅**

○啟者附近梧槽大伯公廟後哈咬的毛地方第七十九號門牌和芳園寬平厝闊軒爽異常園內新建有洋樓一間甚為壯麗且園內景色清幽園庭雅潔奇花佳果種植甚繁以此作為公墅或用以居家均甚相宜茲欲出稅與人倘 諸君有欲稅居者請至本號面商便得此佈

大清光緒十六年十一月十一日 漆木街鐵吊桶和合號謹白

**吉屋出賃**

○啟者茲有便厝一間在老爺官前門牌一十五號即協恆隆現住之厝 諸君欲稅請至本號面議此佈

大清光緒十五年十二月初二日 豐興號謹啟

**時款鐘表出售**

○啟者本店開設在國家信局對門即來安公司之隣專在歐洲督辦各式時款鐘表來助發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上鍊之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備 諸君選擇他如金表金匙相盒金表練金戒指等各物甚多不能備錄而本店并能代 諸君修理鐘表以及風雨針等件甚為精細保能晷度無訛 諸君惠顧請即移玉 光臨為盼

大英一千八百八十八年四月十七號 橫申鐘表店謹啟

**RIGAND'S KANAGA WATER.**

列顏干那芽花露水 ○此水係以干那芽花所製其花出自日本國中香冠凡卉乃列顏君在日本探辦載回法京製成此水以故其香甚之而其用亦甚善如皮膚有皴裂等病抹此香水固能愈痊尤可解蚊口之毒若以此香水和水盥洗固能令人肌膚嫩滑顏色光潤且瘡癩不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜迥隔霄壤 諸尊有購買此水者請看以下所列第一號之西字標頭本藥房所用製載此水之樽係有浮凸西字樣如下所列第二款式且有西字註明列顏公司字樣如標各均有親書號據始為真貨否則係為假冒尚祈慎察至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處

“KANAGA DEPOSE.”

4430.

**MORRHUOL.**

橫好呂解毒葆元藥丸 ○此丸治虛損吐血花柳傳毒咳嗽哮喘目痛重舌等症其效如神且不惟解毒並且能調和營衛葆養精神現用法英美等國醫士所用花柳不藥之藥均用此丸無不藥到病除立見春回若服此丸須仿照飲魚肝油之法要緩緩吞下必於用飯時吞飲一二粒切勿驟為急吞以背服法此丸係以樽裝載每樽計一百粒現託新嘉坡藥房麥加君處代售佈

大英十一月八號

**SANTAL MIDY, DR. MIDY'S SANDAL OIL CAPSULES.**

檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶癰閉一切等症如症雖痛服之立止而服藥後約歷二三日即見愈功但所患過重者須每日吞食六次每次吞食二粒至痊愈後宜再服十日庶得消除後患永絕根株惟食此藥時宜戒色慾氣怒節勞動等事幸勿自誤致礙藥力之不神也現此藥託交新嘉坡藥房麥加君處代售佈

**FRUIT JULIEN.**

浮律如里瑪藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於油為日無論男女老幼均能飲食且其味有如糖菓最為適口尤為小兒所愛其藥力能治胆汁太多重舌頭痛鬱結大便不通斑疹血熱血毒以及皮膚疥癩等症飲之亦可涼血行滯且能令臟腑潔淨痼疾立除但飲之法宜於臨睡時飲一二粒至翌早飲茶一杯須臾即覺大便通利身體爽快此藥現託交新嘉坡藥房麥加君處代售佈

婦之意以其女際碧玉年華極欲論婚家門莫得聘金用償欠款故於九月間與媒將女許字某大腹賈以充小星之列曾議定聘金二百五十元訂訂禮行文定先交聘金一百五十元婦至是喜上眉梢以為償臺不須築避也然而事雖議成却難速就某賈因諷去月下旬以行聘禮詎知未及瓜期某賈忽為造化小兒所弄不數日而抱病猝亡則婦之女遂即定鴻妻稱應為貧命之不猶矣不謂定婚之事已成畫餅而各債主日登婦門屢為討款前則聘禮將行償債有日今則某賈已斃償款未有其期然而各債主咸以歲事將終百凡繁費均為逼討不肯復延婦於此時幾於無謂可對惟有自嘆薄命日月難訴已耳詎於前數日各債主又復登門催索婦惟善詞求緩迨至十七夜婦以境困窮毫無活法乃於翌夜間竟有一人在婦室之屋頂潛揭其瓦竟以布囊裝銀一百元鏗然墜下婦由夢中驚醒秉燭照之始知為阿堵之物然不知晝夜之料於翌夜間竟有一人在婦室之屋頂潛揭其瓦竟以布囊裝銀一百元鏗然墜下婦由夢中驚醒秉燭照之始知為阿堵之物然不知晝夜之金從何而來繼為檢驗始得一書據謂余本竊徒於前夜間探登婦屋原為圖竊計詎見婦之懸梁燭照即下為救活適為其女察救故靜聽婦女互訴苦情不禁令人憫惜是以演其竊技以擾他家之財以濟婦困幸勿以此查從竊盜中來而棄唾視之應即將是資以償債項可也惟余本屬竊徒不敢以姓名住址相告云云婦得此資不禁感其厚意敬而受之以償債款婦至是不須復尋短見矣獨恨該竊未知為誰而空受其厚贖已耳然則該竊其夙有俠骨者歟何其仗義一至於此是亦盜中之僅有者矣

禮香山新招華工例章 ○茲將禮香山西報所登夏威仁國即禮香山又名漢奴魯魯之君主於西歷一千八百九十年十一月十四日批准開招華傭補植兼修改一千八百八十七年第二十八條限定華人進工之例譯登 第一款夏威仁國國會同定例院員將一千八百八十七年十二月二十日所批定一千八百八十七年第二十八條第五款之二段限定華人進境之例議准修改頒行於左 第二段外務臣倘接有招工部之准照兼有該部之參贊簽押名字為據者可隨給發特照與華人入境並可居住本國境內但其期限情節須俟後款註明凡華人或匯理公司求領特照者須當誓願稟明招僱華傭若干字樣方得給發而所發之特照乃正一張副二張其一交與存照之人收執以便早繳其副照二張乃按本條第三款例收存該特照當由外務署之書吏簽押名字并註明該照之次序號數在外務署冊內以便存案所註每張特照之情節如左 一存帶特照之人呈繳特照入本境者可准歇住本國其限不越五年 二存帶特照之人除為種植傭工外不得另作別行藝業所作糖榨米磨架非房等亦包括種植傭工字意之內 三倘該人在期限內除種植傭工外如無招工者或另作別業者又或期滿後仍在本國者則拘拿押留以待機會送回中國 四東主每月須將該人應得之工金扣四份之一交與招工局轉交國庫為專寄貯之項倘該人離境之日該招工部則發單到庫支給交回該離境之人若每位工人扣足七十五元之額數則當止扣除及寄貯工值而該招工局可有權將該人所寄之項扣支其回國之舟資倘該人除為種植傭工外或另別作業或逃避東主者該寄貯之項當充公撥入夏威仁國家之用 五該存特照之人在夏威仁國居住其限期及工業僅可依特照內所註明之期限及工業恪守遵行不得照寬威仁國赤子之權利一體相待 第二款外務臣未結發暫居特照之先須當向其稟求領特照之人立保券一紙交與該外務臣代夏威仁國收執每給暫居特照一紙當立保券銀七十五元所結保券須要保家一名或數名任由該外務臣隨時酌奪施行而該保券所註明之情節該員稟人須依暫居特照而行限所備之人住在本國時僅為田土傭工而已倘該傭工人于暫居特照內註明期滿之時除身故外須將該傭工人交與招工局或局內代理人收領該員稟者又須每月將該傭工人所應得之工金扣出四份之一呈繳招工局收貯扣至七十五員為額倘遇有逃走等事當即投報招工局總查人員詳明該工私逃之事除按本條內條作田土工外不得包庇暗助該暫居特照內註明之工人另作生意手藝等事如保家所結保券被罰其項清繳之後該工人所寄貯之項當撥交保家收領 第三款凡發暫居特照而未填名字之照工人未入境之前即呈繳關吏以待入境之時便將工人姓名磨在暫居特照之內但交該照呈繳之時須當批明在照內為憑而其第二第三號之副照當呈交招工局及稅務署存案 未完

臺北近聞 ○臺北隘分駐大科坎五指山內加輝等處遠近數百里番民雜處沿山布築稠壑以駐勇丁日前官保特委劉二尹烈藩前往踏勘將各營哨所紮何處稠壑相去遠近若干里一切地勢詳細繪圖呈覽二尹奉委後即於翌日束裝就道○北路所屬田尾鄉里與獅頭驛長坪五指山等處土脈甚肥番社林立前歸中路林蔭統領所轄後改歸北路節制是處所駐隘勇數營將歷年來歸化之境開墾成田居民因之日見繁盛不致如前此之荒烟蔓草人跡罕經矣日前劉副官保札委大科坎撫墾委員湯剛魯二尹前赴以上各處丈量已墾之田造冊稟報二尹於前月初旬遵札前往

嶺南寒景 ○廣州來信云候補副將莫鳳弼善喜前曾因案被參張香帥縮粵督家務時見其勇敢有為奏請留營効力現由李後帥奏請開復原官歸班補業已奉 旨允准矣○大北門等處城樓上蓋有官廳為守城官弁駐宿之所近形頹壞垣圯堪虞遂稟請大憲發款興修以期鞏固刻已委員勘驗得實茲期破土興工矣○商人許某稟准大憲在南關新築長隄內建設同樂戲園於十一月十四日興工四年內落成以便開春開演大憲以事始創難保無刀紳劣棍滋生事端遂札委補用直隸州判林刺史含青帶領兵丁馳往彈壓○四會縣屬大沙墟陳姓聚族而居家道殷實某夜有盜十餘人明火執仗破門行劫傾箱倒篋搜括靡遺連劫五家始飽其欲整而去計所失約共千金說者謂近日盜賊猖狂比前尤甚惟原其故無非恃香港為巢穴故敢肆意橫行不知有緝捕之責者能照會洋員聚而殲之以除地方之害乎

大薯山出投 ○啟者茲承典主之命定於西二月十九號即華辛卯年正月十一日禮拜四上午十一點鐘在麻六甲距半二十二英里之惹中地方拍賣該處之大薯山並其園坵屋宇器具等物該薯山大有三千四百零九畝其所有製造薯粉機器鼎灶等俱全其地券以十年為期係由一千八百八十五年正月一號起算每年繳納地稅銀一千二百五十七元七角半至其詳細情形當再出告白通知可也謹此佈聞  
大英一千八百九十一年正月三十號 大清光緒十六年十二月廿一日 巴越館主謹啟

聲明告白 ○啟者茲余於本月十五日在施施街門牌第八號開創自己生理字號順美號特此佈聞  
大清光緒十六年十二月二十日 許山明謹啟

自來火公司告白 ○啟者本公司之自來火向蒙 諸君惠顧現因華人新年將屆而 諸君所用之火喉等或有損壞必須重加修理以壯觀瞻茲特通知凡各火喉等如有損壞可到本公司報明自當飭役往修并不收取工值但須於西本月內到本公司報聞方可與其修理至其火管或有損缺至須更換抑或向無損缺但欲洗之使淨者則仍當計回工值之價均如舊日也而本公司現復由歐洲辦到新式玻璃花罩等物甚多各款俱全甚為精緻亦相宜 諸君惠顧請移 玉臨臨為盼  
大英一千八百九十一年正月廿四號 大清光緒十六年十二月十五日 自來火局理事人各謹頌啟

聲明告白 ○啟者牛車水戲園街第六十七號門牌明月娼寮現婦杜氏亞姨及黃氏炳姨二人同創并無他人入股特此聲明以存其實  
大清光緒十六年十二月十五日 大英一千八百九十一年正月廿四號 杜亞姨黃炳姨同啟

懸賞 立賞格人 苑生號有被李慶鏞李慶吉欠去英銀八萬餘元他乃創有興裕號生理在老爺宮邊店中桌椅銅器玩物甚多約值銀千餘元今移徙僅閱數月諸物十無一二令人無從索解又李慶鏞李慶吉置有金銀器磁器不計其數茲特高懸賞格與 諸君約倘有知其提出檢出寄頓之處或知其有與人暗作生理或明買各公司股份及暗插各項生理股份或買有地段或建有屋宇或將銀項捏作他人名字出借或買有房屋假託別人名號無論在本坡或麻六甲 檳榔嶼 上海 昔仔義 吉瀾 日裡 曼華 那律 柔佛 大小白蠟 柯勝潤勃 仙那節 實勝越 峇株巴葛 勿里洞 汶島 網略 呂宋 泗里末 加勝吧 望加錫 碩埠 巨港 三眼 廖內 汝擺 吉雙 那義寺冥難 四雅於戎 井里汶 吧飭 而汝武 望加麗 峇釐 寧宜 芙蓉 巴東 亞齊 寶龍暨各屬州府者祈到本號報明當堂書立約字一紙詳細批明以杜複轉而防藉言俟查明確實追回抵償之後願從厚給賞以酬其勞至遠近各色人等凡有金銀銅鐵等器及產業家器買賣與李慶鏞李慶吉以及將股份物業代為暗典於人或將金銀銅鐵各器代為兌出均祈前來報知如果証據顯然本號亦當酌給花紅此帖是實決不食言幸勿遲疑是所切盼  
大清光緒十六年庚寅十二月十二日 苑生公司登芳琳謹白

賞格 立賞格人 苑生號有被李慶鏞李慶吉欠去銀項為數甚鉅蓋他乃前年承充本坡烟酒餉碼之人當日伊家所有椅桌銅器玩物約值銀三千餘元其山頂別墅椅桌銅器玩物約值銀九百餘元另有金銀器磁器不計其數當慶炎初死之時各處之物件依然俱在迄今僅閱年餘諸物盡歸烏有似此變遷殊深滋訝茲特高懸賞格與 諸君約倘有知其檢出寄頓何處或知其有與人暗作生理或明買各公司股份及暗插各項生理股份或買有地段或建有屋宇或將銀項捏作他人名字出借或買有房屋假託別人名號無論在本坡或麻六甲 檳榔嶼 上海 昔仔義 吉瀾 日裡 曼華 那律 柔佛 無庸等處者祈到本號報說俟查明確實追回抵償之後願將該物項對半均分以酬其勞如該物值銀在一萬元之數則賞給報說人五千元或多或寡照此遞算決不食言至遠近各色人等凡有金銀銅鐵等器及家器產業買賣與慶炎以及慶炎死後曾將金銀銅鐵各器代為兌出或將股份物業代為暗典於人均祈前來報知如果証據顯然本號亦當酌量給賞此帖是實幸勿懷疑  
大清光緒十六年庚寅九月二十三日 苑生公司登芳琳謹啟

登照 委辦順直水災勸捐啟 ○啟者順直為畿輔重地 國家根本本所關本年被水成災為百餘年所未有前奉 李傅相電諭令在外華勸捐正在欲行開辦頃復奉 閣浙督憲卞 發到勸辦順直賑捐委札一件關防一顆飭在本坡開局勸捐又聞省善後局司道發來南洋各紳商諭帖數十張及局收數百張併蒙 汀漳龍道劉派有候選知縣舉人王寬侯選縣丞邱鴻玉龍溪縣學茂才莊嵩齡來洋籌辦捐務竊維南洋為殷富之區素多慷慨好施之士十餘年來樂捐鉅款應聲響應之樂此次順直奇災尤望大發慈悲共拯飢溺其捐局現設在振成公司內面憲切願揚者 請移玉至局面議為幸 光緒十六年十一月廿三日 奏辦順直賑捐委員 陳金鐘 王寬 邱鴻玉 莊嵩齡全啟

聲明告白 ○啟者夫溫振周曾置有周德港一條內有甘密胡椒等園現在此港已掛砂與氏經營茲特聲明自本月十五日起以後無論何人有在外間與人揭借應項務須與氏言明經氏畫押方能作據倘未經氏畫押則為經手是問與氏無涉先此聲明免滋後論  
大清光緒十六年十一月廿九日 大英一千八百九十一年正月九號 周德港掛砂人謝氏謹白



